



Concello de Vigo

YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 3 de novembro de 2022**, adoptou o seguinte acordo:

10.- SUBVENCIÓN NOMINATIVA Á FUNDACIÓN MARCO PARA REALIZACIÓN DA EXPOSICIÓN "LAXEIRO E A ARTE DA SÚA ÉPOCA DURANTE O EXERCICIO 2023". EXPTE. 3253/341.

Visto o informe xurídico do 5/10/2022 e o informe de fiscalización do 27/10/2022, dáse conta do informe-proposta de data 16/09/2022, asinado polo xefe do Servizo de Xestión e Promoción Cultural, o concelleiro-delegado de Cultura e polo concelleiro-delegado de Orzamentos e Facenda, que di o seguinte:

Con data de entrada na sede electrónica municipal o 18 de xullo de 2022, a FUNDACIÓN MARCO presenta escrito de solicitude de subvención para o financiamento da *EXPOSICIÓN "LAXEIRO E A ARTE DA SÚA ÉPOCA"*, a desenvolver do 23 de febreiro ao 21 de xullo do 2023; por este motivo, o día 9 de setembro pasado, o concelleiro-delegado da Área de Cultura resolveu que por parte desta xefatura se iniciase a tramitación do expediente de subvención, polo importe de 120.000 €, con cargo á aplicación orzamentaria 3330.489.00.04 existente no orzamento municipal vixente ("Marco. Exposición Aniversario Pintor Laxeiro")

1.- ANTECEDENTES. Fundación Marco e Concello de Vigo.-

O Pleno do Concello de Vigo do 29 de xullo de 2002, por unanimidade, acordou a súa participación na Fundación Marco, como entidade fundadora e aprobar os Estatutos da Fundación. Con data 22 de outubro de 2002, constitúese a Fundación Marco, CIF G36909885, na Casa do Concello de Vigo, en escritura pública diante do notario Mariano Vaqueiro Rumbao, protocolo num 2.100.

A Fundación Marco está dedicada á realización de actividades culturais de investigación, educación, formación, conservación, exhibición e difusión da arte e da cultura contemporáneas, con particular atención á produción artística da Comunidade Galega, así como a estatal e internacional, mediante a adquisición, a conservación, o estudo, a exposición e interpretación educativa de



Copia do documento - Concello de Vigo	Data impresión: 03/11/2022 14:21	Páxina 1 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

obras de arte contemporánea, ao tempo que deberá impulsar a estimulación da sensibilidade da sociedade cara á cultura actual.

O Padroado da Fundación Marco na sesión 25 de outubro de 2018 acordou aprobar os Estatutos Consolidados da Fundación e prodúcese a inscrición no Rexistro de Fundacións de Interese Galego por resolución do 11 de marzo de 2019.

A Fundación Marco, foi clasificada de interese cultural, por Orde de 13 de decembro de 2002, da Consellería da Presidencia, Relacións Institucionais e Administración Pública (DOG núm 2, do 3 de xaneiro de 2003); e foi declarada de interese galego e inscrita no Rexistro de Fundacións por Orde de 15 de xaneiro de 2003 da Consellería de Cultura, Comunicación Social e Turismo (DOG núm 24, do 4 de febreiro de 2003).

2.- PROGRAMA E ORZAMENTO OBXECTO DE SUBVENCIÓN.-

A Fundación Marco presenta proposta para organizar a *EXPOSICIÓN "LAXEIRO E A ARTE DA SÚA ÉPOCA"*, que se desenvolvería nas salas frontais do primeiro andar do Museo Marco, entre o 23 de febreiro e o 21 de xullo de 2023.

A Fundación Amrco xustifica a celebración da exposición nas datas indicadas do exercicio 2023, en que a Real Academia de Belas Artes decidiu adicar o Días das Artes 2022 ao pintor Laxeiro, promovendo actos que se celebrasen entre esa datas e o 1 de abril de 2023. A exposición trata por primeira vez de ofrecer unha selección de obras propias do artista e poñelas en contexto coa arte da súa época. Por este motivo, contarase con obras de museos nacionais que teñen un proceso de préstamos longo e moi garante polo valor das obras involucradas (obras de Solana, Vázquez Díaz, Benjamín Palencia, Ortega Muñoz, Saura, Canogar, Barcala...). Este proceso administrativo previo conleva que non sexa posible realizar a inauguración desta exposición dentro do presente exercicio. O Concello de Vigo considera de enorme interese cultural e social a realización da exposición proposta, polo que non tería incovinte en que se desenvolvese no exercicio 2023, subvencionado co orzamento municipal vixente.

A memoria económica que se achega a esta proposta, incorpora o orzamento xeral de gastos do programa polo importe total de 120.406 € (cento vinte mil catrocentos seis euros):



Copia do documento - Concello de Vigo	Data impresión: 03/11/2022 14:21	Páxina 2 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

LAXEIRO E A PINTURA DA SÚA ÉPOCA FRONTAIS PRIMEIRO ANDAR ORZAMENTO EXPOSICIÓN		
CONCEPTOS	MARCO	
1 TRANSPORTE		
Concentración obras MARCO	15.000,00	
Dispersión obras prestadores	11.000,00	26.000,00
2 PRODUCCION		
Producción obras / enmarcados / conservación	9.000,00	9.000,00
3 MONTAXE E DESMONTAXE		
Montaxe	7.500,00	
Desmontaxe	4.000,00	11.500,00
4 SEGURO		
Obras	3.000,00	3.000,00
5 ROTULACION E DIFUSION		
Rotulación exterior e salas de exposición	2.500,00	
Folletos, invitación, cartelas, imprenta	1.500,00	4.000,00
6 DESPRAZAMENTOS E DIETAS		
Viaxes de traballo correos Museos e comisariado	6.000,00	6.000,00
7 HONORARIOS		
Equipo de traballo	8.500,00	
Comisariado	0,00	8.500,00
8 ACTIVIDADES		
Conferencia de prensa, convidados, visitas guiadas	3.000,00	3.000,00
9 ATENCION AO PUBLICO, VISITAS DE SALAS		
Persona de atención ao público no 1º andar, 3.274,26		9.822,78
10 TALLERES ESCOLARES E FIN DE SEMANA		
Talleres de escolares e fin de semana 3.194,40		9.583,20
11 SEGURIDADE		
Seguridade 5.815,47 €/ mes		17.446,41
TOTAL EXPOSICIÓN		90.406 €



LAXEIRO E A PINTURA DA SÚA ÉPOCA FRONTAIS PRIMEIRO ANDAR	
ORZAMENTO PUBLICACIÓN	
CONCEPTOS	MARCO
1 AUTORES DOS TEXTOS	
Textos comisario, protocolo, críticos	3.500,00
	3.500,00
2 TRADUCION DOS TEXTOS	
Tradución ao castelán/inglés/galego	2.500,00
	2.500,00
3 FOTOGRAFIA	
Fotografía e dixitalización	4.000,00
	4.000,00
4 DESENO	
Deseño	3.000,00
	3.000,00
5 MAQUETACION	
Maquetación	1.500,00
	1.500,00
6 REVISION	
Revisión	
	0,00
7 EDICION	
Edición	2.000,00
	2.000,00
8 DISTRIBUCION	
Distribución Galicia España e Bos Aires	1.500,00
	1.500,00
9 IMPRENTA E ENCADERNACION	
	12.000,00
	12.000,00
TOTAL PUBLICACIÓN	30.000 €





Concello de Vigo

A Fundación Marco declara que para este proxecto non se teñen solicitado outras axudas ou subvencións.

ANTICIPOS.-

A Fundación MARCO, co obxecto de garantir a súa liquidez e facilitar os seus movementos de tesourería para a realización do proxecto, considera que se lle asignen anticipos a conta de acordo con seguinte calendario:

1. Primeiro anticipo do 50% do importe da subvención (60.000 €) tralo acordo de concesión da XGL e previa solicitude da Fundación antes do 15 de decembro de 2022.
2. Segundo anticipo de 30.000 € despois de ter xustificado o gasto do primeiro anticipo e trala inauguración da exposición.
3. Terceiro anticipo de 15.000 € despois de ter xustificado o gasto do segundo anticipo.
4. Cuarto pagamento e liquidación da subvención. Solicitar o importe restante de 15.000 € despois de ter xustificada a execución da totalidade do proxecto aprobado.

As bases 38.7 de execución do orzamento do Concello de Vigo establece:

En supostos excepcionais, tras a motivación que o xustifique, polo órgano competente poderanse outorgar subvencións con xustificación diferida ata o límite do 50% do importe concedido; queda condicionada a liquidación desta a presentación e conformidade dos documentos orixinais que xustifiquen a realización da actividade. A segunda entrega e liquidación da mesma, esta condicionada a xustificación total do gasto, tendo en conta a aplicación a finalidade prevista como gasto elixible e a presentación da documentación xustificativa.

Cabe a posibilidade de establecer nas bases ou se fose o caso na convocatoria un segundo ou posteriores anticipos, sempre e cando teña xustificado o primeiro ou anterior, non excedendo cada un deles o 50% da contía concedida pendente de xustificar.

Á vista da solicitude da Fundación MARCO, tendo en conta as súas necesidades de liquidez durante a execución do proxecto cumpriría establecer un plan de pagamentos anticipados de acordo co establecido na citada base e co detalle establecido nas obrigas da entidade beneficiaria.

3.- DOCUMENTACIÓN.-

Por parte da Fundación MARCO, tense presentado a seguinte documentación relativa ao expediente de subvención:

- Solicitude de subvención asinada polo Director da Fundación
- DNI do representante legal
- CIF da entidade
- Estatutos vixentes da Fundación Marco e capacidade do representante legal
- Memoria e orzamento da actividade a organizar pola Fundación MARCO
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia



Copia do documento - Concello de Vigo	Data impresión: 03/11/2022 14:21	Páxina 5 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria (dispoñible no Concello)
- Declaración de non estar incurso en prohibición para obter subvencións.
- Declaración doutras axudas solicitadas e concedidas.
- Seguro de responsabilidade civil e recibo do pagamento correspondente

4.- LEXISLACIÓN APLICABLE.-

A concesión da subvención que outorgue o Concello de Vigo á FUNDACIÓN MARCO, para a organización da *EXPOSICIÓN "LAXEIRO E A ARTE DA SÚA ÉPOCA"*, rexirase pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; a Lei 19/2013, de 9 de decembro, de transparencia, acceso á información pública e bo goberno; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

A concesión da subvención directa á FUNDACIÓN MARCO deberá axustarse ao previsto no art. 22.2 apartados a) e c) da Lei 38/2003 xeral de subvencións, tanto por estar prevista nominativamente no orzamento do Concello de Vigo do 2022, como polo interese público, social e cultural que supón a actividade para a cidade de Vigo; acreditado na concordancia do programa singular a executar, os fins estatutarios da entidade, a súa complementariedade coa actividade cultural organizada polo Concello

5.- ÓRGANO DE RESOLUCIÓN E ÁMBITO DE COMPETENCIAS.-

O órgano de goberno para a concesión desta subvención directa é a Xunta de Goberno Local. O obxecto do expediente corresponde as materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

6.- FINANCIAMENTO DA SUBVENCIÓN.-

A subvención do Concello de Vigo á FUNDACIÓN MARCO ten como obxecto financiar a realización da *EXPOSICIÓN "LAXEIRO E A ARTE DA SÚA ÉPOCA"*, que figuran na aplicación orzamentaria 3330.489.00.04 "**MARCO. Exposición Aniversario Pintor Laxeiro**".

A subvención do Concello de Vigo á FUNDACIÓN MARCO é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.



Copia do documento - Concello de Vigo	Data impresión: 03/11/2022 14:21	Páxina 6 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

7.- CONDICIÓN DE CONCESIÓN DA SUBVENCIÓN

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan na proposta.

Á vista do exposto, coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, cos informes xurídico e da Intervención Xeral, faise a seguinte

PROPOSTA Á XUNTA DE GOBERNO LOCAL.-

PRIMEIRO.- “Aprobar a concesión directa dunha subvención á FUNDACIÓN MARCO, CIF: G36909885, por importe de 120.000 € (cento vinte mil euros), para o financiamento da realización da EXPOSICIÓN “LAXEIRO E A ARTE DA SÚA ÉPOCA”, que se desenvolverá do 23 de febreiro ao 21 de xullo de 2023 no Museo Marco, e autorizar e dispoñer o gasto con cargo á aplicación orzamentaria 3330.489.00.04 “**MARCO. Exposición Aniversario Pintor Laxeiro**”, que figura no orzamento municipal vixente do Concello de Vigo.

SEGUNDO.- O pagamento da subvención poderá realizarse a través de pagamentos anticipados, de acordo co establecido na Base 38.7 de execucións do orzamento do Concello de Vigo e co detalle que figura nas obrigas da entidade beneficiaria.

TERCEIRO.- O resto do crédito comprometido que non chegue a pasar a recoñecemento de obriga, será incorporado aos remanentes de crédito no exercicio 2023, sempre e cando existan recursos financeiros adecuados e suficientes.

CUARTO.- As condicións que rexerán a subvención serán as seguintes:

OBRIGAS DA FUNDACIÓN MARCO . MECANISMOS DE ASISTENCIA TÉCNICA

1. Organizar as actividades a través dun equipo de profesionais dirixidos e/ou supervisados pola ENTIDADE, actuando como interlocutor único ante a CONCELLERÍA Don Miguel Fernández Cid, director da Fundación Marco.
2. Responsabilizarse da organización integral do programa, difundilo amplamente, dispoñer dos espazos, e solicitar, de ser o caso, os permisos correspondentes para a utilización dos mesmos, solicitude de ocupación de vía pública, cargas e descargas, instalación de elementos, etc.
3. Cumprir o programa obxecto da subvención, de acordo co establecido neste acordo de concesión, asumindo o aboamento dos gastos relativos á organización da actividade, tanto directos como indirectos (contratacións, produción, dereitos de autor derivados da programación, material de difusión, aluguer e uso de espazos de ser o caso, e demais infraestruturas necesarias para o desenvolvemento efectivo da actividade).



Copia do documento - Concello de Vigo	Data impresión: 03/11/2022 14:21	Páxina 7 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Cumprir coas obrigas fiscais, así como das disposicións vixentes en materia laboral, de Seguridade Social e de saúde e hixiene no traballo.
- Incorporar os anagramas-logotipos do Concello de Vigo na forma que se detalla no presente acordo, e comunicar as accións de difusión nas que se deberá facer mención expresa da subvención.
- Facilitar á CONCELEIRÍA a información necesaria para a difusión do programa polas canles oficiais.
- Comunicar á CONCELEIRÍA as modificacións das circunstancias que fundamentasen a concesión da subvención (art.11.d da Lei 9/2007 de subvencións de Galicia), en particular os cambios ou cancelacións de elementos do proxecto de actividades, obtención doutras subvencións, axudas ou recursos que modifiquen o financiamento, no momento en que teña constancia da súa dispoñibilidade ou efectividade, e en en todo caso, con anterioridade á xustificación da aplicación dada aos fondos percibidos; co obxecto de determinar a oportunidade da autorización da modificación ou substitución por outros programas, ou ben proceder á redución do importe da subvención concedida ou reintegro.
A alteración das condicións tidas en conta para a concesión da subvención poderá dar lugar á modificación da resolución de concesión (art.17.3 da citada Lei).
- A concesión da subvención á ENTIDADE implica a súa aceptación das obrigas sinaladas na resolución de concesión e nas normativas citadas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.
- Responsabilizarse fronte a calquera dano que se cause a terceiros con ocasión do desenvolvemento do programa, asumindo a contratación dunha póliza de seguro de responsabilidade civil que atenda calquera accidente ou incidencia que se poida producir en relación ao desenvolvemento do evento. A ENTIDADE presenta copia da póliza e do recibo do pagamento do seguro de responsabilidade civil.
- Cumprir estrictamente coas medidas que en cada momento establezan a autoridades sanitarias derivadas da COVID.

OBRIGAS DA CONCELEIRÍA. MECANISMOS DE ASISTENCIA TÉCNICA

- Realizar o seguimento do desenvolvemento do programa de actividades obxecto deste acordo.
- Xestionar o pagamento do importe da subvención (120.000 €), tras o cumprimento dos requisitos de xustificación e conformidades necesarias.

MECANISMOS DE SEGUIMENTO DA SUBVENCIÓN. UNIDADE XESTORA

Para o bo desenvolvemento do programa obxecto da concesión da subvención establecerase unha comisión mixta, integrada polos representantes de cada unha das institucións, ou persoa na que deleguen, aos que corresponderá o seguimento, interpretación e avaliación das accións derivadas do presente acordo.

O centro xestor da subvención á ENTIDADE é a Área de Cultura do Concello de Vigo, a través do xefe do servizo de Xestión e Promoción Cultural, a quen se informará sobre o desenvolvemento do programa, e comunicará os posibles cambios na programación e, especialmente, a súa inci-



Copia do documento - Concello de Vigo	Data impresión: 03/11/2022 14:21	Páxina 8 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

dencia nos presupostos que deron motivo á concesión da subvención, por se procedera a súa revisión.

O centro xestor ten a encomenda de comprobación da realización das actividades do proxecto subvencionado e de informar sobre a adecuada xustificación da subvención poñendo de manifesto, expresamente, o cumprimento total do obxecto da subvención ou aquelas circunstancias que imposibiliten a aprobación da xustificación, xunto coa conformidade dos documentos xustificativos presentados.

DIFUSIÓN DO CARÁCTER PÚBLICO DO FINANCIAMENTO E DAS ACTIVIDADES DO PROGRAMA

Calquera que sexa o medio de difusión, a ENTIDADE adoitará as medidas necesarias para publicitar axeitadamente o carácter público do financiamento do programa polo Concello de Vigo, as súas actividades e funcionamento; incorporando os anagrama-logotipo do Concello de Vigo, ademais das lendas indicadas pola Área de Cultura, en particular, no material gráfico editado, na páxina web, nas presentacións públicas, actividades, soportes e demais recursos de difusión e información xeral que se produzan sobre o evento, de acordo coa CONCELLERÍA.

Si no financiamento das actividades ou publicacións interveñen outras entidades distintas do Concello de Vigo, deberá acordarse coa CONCELLERÍA a prelación e características para cada caso. O deseño gráfico de publicacións e materiais de difusión, deberá ser enviado á Área de Cultura, previamente ás impresións, como mínimo naquelas partes onde figuren as referencias da ENTIDADE, Concello de Vigo e outras entidades que realicen algunha achega ao proxecto subvencionado no seu conxunto polo Concello. O material editado disporá dos depósitos legais correspondentes.

Así mesmo, a ENTIDADE entregará o material de difusión suficiente, tanto para a súa conservación no expediente de subvención, como para a difusión da programación dende a CONCELLERÍA.

A difusión aos medios de comunicación de informacións sobre as actividades programadas (roldas de prensa, difusión de noticias, informacións, traballos, etc) deberá estar previamente comunicada ou acordada coa CONCELLERÍA.

A ENTIDADE comprométese á utilización dunha linguaxe e imaxe non sexista nos materiais de publicidade que se empreguen para a difusión da actividade ou evento. Igualmente comprométese ao emprego de imaxes non estereotipadas e que fagan visible a achega das mulleres nas facetas públicas da sociedade e non só no eido privado ou familiar.

A ENTIDADE facilitará á Área de Cultura, coa antelación suficiente, toda a información sobre o programa nos formatos axeitados, co fin de publicitalo en todos os soportes municipais.

Lingua de difusión e publicacións:

De acordo co establecido na vixente Ordenanza da Normalización Lingüística do Concello de Vigo, a lingua galega é a lingua principal de comunicación; polo tanto, e con carácter xeral, só se considerarán dentro do proxecto e programa subvencionado as publicacións e elementos de difusión e publicidade editados en galego, teñan ou non carácter periódico. A utilización doutras linguas distintas ao galego nas publicacións e difusión quedan sometidas aos acordos particulares coa CONCELLERÍA para que os elementos sexan subvencionables.



Copia do documento - Concello de Vigo	Data impresión: 03/11/2022 14:21	Páxina 9 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

PAGAMENTO DA SUBVENCIÓN

O CONCELLO xestionará o pagamento á ENTIDADE polo importe da subvención outorgada ou resultante, logo da realización das actividades previstas no obxecto desta subvención e entrega do informe final coa rendición da conta xustificativa; previa aprobación da achega pola Xunta de Goberno Local, emisión dos informes técnicos, e co conforme do concelleiro-delegado da Área de Cultura.

A xustificación deberá facerse con documentos orixinais pola parte subvencionada e con copias das facturas polo resto do orzamento. Poderase substituír a presentación de copias de facturas polo gasto do proxecto ou actividade non subvencionada pola presentación dun balance que abrangue a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo final foi de XX.XXX euros.

A beneficiaria poderá solicitar o pago anticipado de ata o 50% do importe total da subvención proposta, que será abonado á beneficiaria mediante transferencia bancaria, trala aprobación da resolución de adxudicación da subvención co obxectivo de poder afrontar os gastos iniciais que supón o desenvolvemento das primeiras fases do proxecto. A estes efectos e conforme ao artigo 42.2 do Regulamento da Lei Xeral de Subvencións a Fundación queda exonerada da constitución de garantía, para a tramitación de dito pago, por ser unha entidade fundacional sen ánimo de lucro coa finalidade de promoción do comercio local.

O pagamento realizarase según o seguinte:

1. Primeiro anticipo do 50% do importe da subvención (60.000 €) tralo acordo de concesión da XGL e previa solicitude da Fundación antes do 15 de decembro de 2022.
2. Segundo anticipo de 30.000 € despois de ter xustificado o gasto do primeiro anticipo e trala inauguración da exposición.
3. Terceiro anticipo de 15.000 € despois de ter xustificado o gasto do segundo anticipo.
4. Cuarto pagamento e liquidación da subvención. Solicitar o importe restante de 15.000 € despois de ter xustificada a execución da totalidade do proxecto aprobado.

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), A ENTIDADE está obrigada a relacionarse electrónicamente coas Administracións Públicas. Xa que logo, para proceder á xustificación do cumprimento da finalidade para a que se concede a subvención e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na mesma, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da Lei Xeral de Subvencións establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Fa-



Copia do documento - Concello de Vigo	Data impresión: 03/11/2022 14:21	Páxina 10 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

ceda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas compulsadas das facturas orixinais en papel.

Documentación a incluír na conta xustificativa:

- Solicitud de pagamento da subvención tralo remate das actividades e, en todo caso, como límite o 10 de novembro do 2023.
- Acreditar atoparse ao corrente das súas obrigas tributarias coa Axencia Tributaria, Consellería de Facenda da Xunta de Galicia, Tesourería Xeral da Seguridade Social e Concello de Vigo.
- Memoria de execución e avaliación da actividade realizada, que xustificará o cumprimento das condicións impostas e a consecución dos obxectivos, que deberá incluír como mínimo:
 1. Programa con información sobre organización, patrocinio, colaboradores, venda de entradas, etc.
 2. Datos sobre os participantes nas actividades, número e perfil dos asistentes.
 3. Memoria de prensa.
 4. Relación de material gráfico e de difusión contendo os logotipos do Concello de Vigo.
 5. Reportaxe fotográfica.
- Memoria económica contendo o balance detallado coa totalidade dos gastos e ingresos da actividade, con indicación dos acredores, conceptos facturados, datas de emisión e importe; acreditados con documentos orixinais pola parte subvencionada.
- Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia, data de ingreso e a aplicación de tales fondos ás actividades subvencionadas.
- As facturas ordenadas segundo o concepto de gasto a que se atribúen e nas que figure a ENTIDADE como entidade destinataria, deberán recoller o seu número e data, CIF, denominación e domicilio social do emisor, conceptos, importes, IVE, etc. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas nin aquelas que non reúnan as condicións previstas no RD. 1619/2012, de 30 de novembro, polo que se regula o deber de expedir e entregar facturas que incumbe a empresarios e profesionais.
- Nestas facturas computarase o gasto acreditado, deducindo o IVE, agás que xustifique que está exenta de IVE.
- Nas facturas ou nos documentos xustificativos dos gastos non deberá constar de forma expresa que o gasto foi pagado pola entidade beneficiaria con anterioridade á finalización do prazo de xustificación; entendéndose baixo a responsabilidade do beneficiario que o concepto facturado está realizado e conta coa súa conformidade.

Cando a entidade beneficiaria demande a devolución do orixinal presentado para a xustificación da subvención, solicitará a través da unidade xestora da tramitación administrativa do expediente



Copia do documento - Concello de Vigo

Data impresión: 03/11/2022 14:21

Páxina 11 de 14

3253-341

CSV: A5A9B5-3HDH4A-DE2CCA-482K35-DG4ED6-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

o estampillado (art.73 do regulamento da Lei 38/2003 LXS) da factura orixinal indicando no mesmo o motivo da subvención, así como se o importe do xustificante se imputa total ou parcialmente á subvención recibida, indicándose neste caso o importe exacto que resulte afectado pola subvención. Posteriormente incorporárase ao expediente copia do xustificante orixinal estampillado e a unidade administrativa procederá á devolución do orixinal.

Gastos subvencionables:

Consideraranse gastos subvencionables, os realizados no ano 2022 e 2023 que respondan directa e indubidablemente á natureza da actividade subvencionada, resulten estritamente necesarios e se realicen dentro do prazo establecido para a execución do proxecto, quedando excluídos os custos indirectos imputables á actividade, os custos de funcionamento ordinario da entidade, os de atencións protocolarias e representativas, e os gastos en inversións e adquisicións de material, equipos e bens de natureza inventariable.

En ningún caso o custo de adquisición dos gastos subvencionables poderá ser superior ao valor de mercado.

Non se contempla a posibilidade de subcontratación dos gastos derivados da execución do programa subvencionado.

Importe total de subvencións ou axudas:

A subvención do Concello á ENTIDADE é compatible con outras subvencións, axudas, ingresos ou recursos para a mesma finalidade procedentes de calquera outra administración ou de entes públicos ou privados, nacionais, da Unión Europea ou de organismos internacionais.

O importe das subvencións ou axudas percibidas pola ENTIDADE para a actividade subvencionada en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade ou obxecto subvencionado (art.17.3 da Lei 9/2007 de subvencións de Galicia).

XUSTIFICACIÓN DA SUBVENCIÓN

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada pola Área de Cultura.

Os técnicos da Área de Cultura emitirán informe ao respecto facendo constar, no seu caso, todas aquelas circunstancias que poidan resultar relevantes en orde a considerar incumplida ou defecuosamente cumprida a actividade subvencionada.

INFORMACIÓN E PUBLICIDADE

A beneficiaria deberá facilitar toda a información que lle sexa requirida pola CONCELEIRÍA e pola Intervención Xeral Municipal, Tribunal de Contas e Consello de Contas, no exercicio das súas funcións de fiscalización e control do destino das subvencións.

O CONCELLO publicará a concesión da subvención no portal de transparencia do Concello e comunicarllo á Base de Datos Nacional de Subvencións para os efectos de dar cumprimento ao disposto nos artigos 18 da LXS e 8.1.c) da Lei 19/2013 de Transparencia, Acceso á Información Pública e Bo Goberno.



Copia do documento - Concello de Vigo	Data impresión: 03/11/2022 14:21	Páxina 12 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

REINTEGRO

Procederá ao reintegro das cantidades percibidas e a esixencia de xuros de demora desde o pagamento da subvención até a data na que se acorde a procedencia do reintegro nos casos do artigo 33 LSG.

De conformidade co artigo 32.2 do Regulamento da Lei Xeral de Subvencións a achega municipal configúrase como un importe certo, entendendo que queda por conta do beneficiario a diferenza de financiamento necesario para a total execución da actividade subvencionada, debendo ser reintegrado en tal caso o financiamento público unicamente polo importe que rebase o custo total da actividade.

INFRACCIÓNS E SANCIÓN

En canto ás infraccións e sancións en que poida incurrir a beneficiaria da subvención e procedemento para a súa apreciación e imposición, estarase ao disposto no título IV da Lei 9/2007, de 13 de xuño, de subvencións de Galicia, e na Lei 39/2015, do 1 de outubro, do procedemento administrativo común das administracións públicas.

PROTECCIÓN DE DATOS DE CARÁCTER PERSOAL

A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015, do 1 de outubro, do procedemento administrativo común das administracións públicas e na Lei Orgánica 3/2018, do 13 de decembro, de Protección de Datos Persoais e garantía dos dereitos dixitais, sendo responsable do seu tratamento a Concellería de Cultura.

A beneficiaria poderá exercer os dereitos de acceso, rectificación, cancelación e oposición ante a Concellería de Cultura do Concello de Vigo.

DEREITOS SOBRE A INFORMACIÓN E TITULARIDADE DOS RESULTADOS

Os resultados froito desta subvención, tales como documentais, catálogos, estudos, e demais material obtido da realización das actividades programadas, serán de titularidade e de uso común da CONCELLERÍA e da ENTIDADE. Os resultados quedarán para futuras edicións e ámbalas dúas partes poderán utilizalo nun futuro indistintamente.

A CONCELLERÍA resérvase o dereito de publicar os resultados, parciais ou finais, obtidos durante a execución da actividade que, en todo caso, terán carácter público.

Calquera transformación dos resultados do programa de colaboración conxunta requirirá o consentimento expreso das partes.



Copia do documento - Concello de Vigo	Data impresión: 03/11/2022 14:21	Páxina 13 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

PARTICIPACIÓN DOS COLABORADORES DA ASOCIACIÓN

A concesión desta subvención non implica relación laboral, contractual ou de calquera outra índole entre a ENTIDADE e os profesionais ao seu servizo que vaian desenvolver as actividades previstas, e o Concello de Vigo, de tal xeito que a este non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento da actividade.

LEXISLACIÓN APLICABLE

A concesión da subvención rexerese pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D.L. 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; a Lei 19/2013, de 9 de decembro, de transparencia, acceso á información pública e bo goberno; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real decreto-lexislativo 1/1996 do 12 de abril, polo que se aproba o Texto refundido da lei de propiedade intelectual.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 03/11/2022 14:21	Páxina 14 de 14
3253-341	CSV: A5A9B5-3HDH4A-DE2CCA-482K35-DG4ED6-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		